

مجموعہ ابوالضیا

ماسوا شایہ مستند دلی تطہیرہ پمالش
پرتو حکمت و عرفان ایلہ تنویرہ آالش

علوم و معارفدن بحث ایدرہ و حرماہ عربی ابتداسیہ اون بشتہ نشر اولنور فنون غزہ سیدرہ

نومرو ۱۰ [فی حرۃ صفر سنہ ۱۲۹۸] نسخہ سی ۳ غروش

اولش؛ و مزارستانه مخصوص اولان سکون و سکوت مزد حکاه انام
اولان میدانلرک کورلدیلری مقامنه قائم اولمش؛ تجارتمکاه اولان بر شهر
شهرک ثروت و سامانی برفقر دهشت فرمایه تحول ایش؛ و حکمدارک
سرایلری حیوانات و حشیه یتاغی اولمش! چارپا سوریلری عبادتخانهلر
صحفرینی طومش؛ و حشرات مکروحه محراب و منبرلری ضبط ایش!
سبحان الله! بونجه دبدبه و دارات نصل محو و تباه اولدی؟ بو قدر
آثار جسمیه نصل مضمحل اولدی! اشته آثار بشر بویله محو و هبالولور
ایمش؛ دولترلر و ملتلر بویله زوال و انقراض بولور ایش!

« پرده دازی میکند در قصر قیصر عنکبوت،

بوم نوبت مبرند در کنبد افرا سیاب! »

« وولنه »

شیخ ایله شاب نظرنده حیات ایله مماته

دائر بر مقایسه چک

دنیا سنه طوعامش بر کنجک آمالی حیاتک اذواق و مشاققه آلهشمش بر
اختیارک هوسایله مساوی دکلد.

بر کنجک نظرنده حیات قیتمسز بر شی ایسه بر اختیارک عندهنده
فوق الغایه کرانبهادر.

حال بو که کنجکلکنده یتاغه دوشمش بر نو جوانله اختیارلغنده یتاغه
دوشمش بر پیر ناتوانک حالی بو قیاسک بتون بتون خارجنده در.

بر کنجک آمالی اختیار بر آدمک مشتهیمایله مساوی اوله مامسی اختیارک
حقیقه عذاب الیم اولان حیاتدن لذت آلمش اولمقلغندن، کنجک ایسه
هنوز بو لذتی کمالیه حس ایده ماکلکنندن در؛ زیرا زهر ایله امتراج امتداد

زمانه و بر چوق آجی تجربہ لڑہ توقف ایدر . فقط بر کرہ آلیشیلنجہ اویلہ
قولایجہ ترک ایدیلہمز .

بر چوق آدم طانیرزکہ عشرتک مضراتنی نفسنندہ کی تجاربی جہتلہ
بر طیب حاذق قدر و بلکہ دہا زیادہ ییلر . بونککہ برابر بر درلو فارغ
اولہمز . چونکہ مألوفدر؛ مألوفیت ایسہ ابتلادن بدتر بر کیفدر کہ آرزماندہ
ویا ہر ایستلیدیکی آندہ ترکی نامیسردر .

بناء علیہ بر اختیار دخی ہر لحظہ سی بر بلای طاقتفرسا تولید ایدن
حیاندن ذوق آتش؛ ونیچہ کرم و سرد زندگی آشیرمش اولسنندن و باخصوص
ہر آدم آندقجہ حفرہ مزارینہ بر قدم دہا تقرب ایلدیکنی ساحہ
حیاندہ قطع ایتدیکی مسافہ لڑی حساب ایلہ بیلمندن بلکہ بر اوقدر دہا
یشامق آرزوسندہ بولتور .

کتب محاضرائندہ مسطور اولان امثال حکیمہ دندر کہ بر کویلی اور .
ماندن کسدیکی اوطونلری شہرہ کوتوررکن بر یوقوشہ تصادف ایدر؛
ہزار کلفت و مشغلہ یوقوشک تہ سہنہ واصل اولور . فقط صرئندہ کی
بار ثقیل طاقتنی طاق ایتدیکنندن ایلک آلدیغی نفسنہ تردیفاً تمنی موت
مقامندہ بر کرہ «آہ عزرائیل زہ دہ سن!» دہ اوش تحملندہ کی یوکی برہ
اورر . او آندہ ایسہ قولاغنہ واصل اولان «نہ ایسترسک؟» صدای
دہشت بخشاسی اوزرینہ باشنی قالدیروبدہ قارشوسندہ — ملک الموتی بر ہیئت
ہول انکیر ایلہ کورنجہ بیچارہ نک عقلی باشندن کیدوب «نہ ایستہ جکم!
شو یوکی صرغہ قوی و بر!» دہرک دفع صائل ایلر .

حال بوکہ بر کنجک نظرندہ حیات بتون بتون قیمتسزدر؛ نہ کیم
— مدنیت کاشانہ زندہ بشایانلر ایچون — محافظہ حیات واستحصال حاجاتک
یکانہ و واسطہ سی اولان آفجہ بی بزمان احتیاجنندہ درت کوزلہ آرادبغی
حالدہ تدارک ایتکہ موفق اولہ میسان بر آدم؛ چو چوقلغندہ کیسہ لڑہ
آلتونہ ملک اولمش اولسہ عندندہ خرفیارہ قدر حکمی یوقدر . بر ایوب

اویونجاغنی بیک کیسه آلتونه ترجیح ایتمک چوجوقلغه مخصوص جوانمرد -
لکلردندر .

بر اختیارک عندنده حیات فوق الغایه کرانه‌دار ؛ نه کم حاجاتی
تدارک ایچون یوز آلتون اقتراض ایدن بر آدمک آندن لزومی قدر صرف
ایده‌رک، دفع احتیاج ایدیکجه بر طرفدن محظوظ، بر طرفدن مکدر اولمسی
مقرردر؛ زیرا آکا کوره بر کونلک حاجاتی اکیال ایچون بر آلتون صرف
ایتمک موجودینک تناقضنی موجب اوله جغندن، موجود توکنسیدیکجه،
خصوصا زمان نأدیه تقرب ایدیکجه اضطراب وتلاش دخی اونسبته
کسب افزایش ایدر .

بناء علیه طقسان باشنه وارمش بر اختیار همان فئاسنه، یکریمی باشنده
بر نور سیده ایه بالعکس بر چوق زمان اولسون بقاسنه قائل اولمق طبیعی‌در .
فقط سن پیریده یتاغه دوشمش بر سالخورده بر کره عمر گذشته‌سنی
دوشنور؛ بر کرده بولدییغی حال احتضاری کوزاونته آیرسه مشاق حیاته
بر آن اول ختام ویرمکدن اوز که بر آرزوده بولمز؛ چونکه آرتق امل دخی منقطع
اولمش ومألوف اولدیغی زهر حیاتک نصابی بولدییغی عندنده تعین ایتشدر .
لکن عهد شبابنده یتاغه دوشمش بر جوان بر کره نهال وجودنده کی
استعداد نمایی تفکر، برده هر نفس آلدیکجه سكرات موت قیلندن اولان
وعقبات فئایه بر قدم آقدم وصولتی ایجاب ایدن اسباب هائله بی تأمل ایلرسه
طبیعتک مثله‌ده سویلنن مردم خوار دیوردن ده‌ها بیرجم، ده‌ها غدار
اولدیغنه وبلکه قدرت فاطره‌ک وجود ویردیکی اشیا ومخلوقات ع-وارض
طبیعیه نامنده بر طاقم مهالکک آغوش نابهر بانته تودییغ ایتش اولمقلغنده کی
طورینی ظلمنه جل ایله فطرته‌ده، طبیعت‌ده، حیانه‌ده، مماته‌ده تفرین
خوان اولدیغی حالد فراش نومیده و دیده نمکیندن حوناب سرشکنی ریزان
ایده‌رک تسلیم جان ایدر !....